



---

Broj: 05/1-50-15-26-67-3/20

Sarajevo, 28. 1. 2020.

## ZAPISNIK

### 67. sjednice Nezavisnog odbora Parlamentarne skupštine BiH

Sjednica je održana 28. 1. 2020, s početkom u 17 sati.

Sjednicu je sazvaio Enes Obraliija, prvi zamjenik predsjednice Nezavisnog odbora.

**PRISUTNI ČLANOVI NEZAVISNOG ODBORA:** Enes Obraliija, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

**ODSUTNI ČLANOVI NEZAVISNOG ODBORA:** Tatjana Klječanin-Martić, predsjednica Nezavisnog odbora, opravdano odsutna.

**OSTALI PRISUTNI:** Ivana Lovrić, koja obavlja poslove sekretara Nezavisnog odbora.

Sjednicu je pratio i Enver Bogučanin iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavao prvi zamjenik predsjednice Nezavisnog odbora Enes Obraliija.

Konstatirajući da postoji kvorum, otvorio je 67. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

## DNEVNI RED

1. Usvajanje Zapisnika 66. sjednice Nezavisnog odbora;

2. Razmatranje Prijedloga izvještaja o radu Nezavisnog odbora kao nezavisnog tijela policijske strukture Bosne i Hercegovine za 2019. godinu;
3. Tekuća pitanja.

### **Ad. 1. Usvajanje Zapisnika 66. sjednice Nezavisnog odbora**

Zapisnik 66. sjednice Nezavisnog odbora jednoglasno je usvojen, bez primjedbi.

### **Ad. 2. Razmatranje Prijedloga izvještaja o radu Nezavisnog odbora kao nezavisnog tijela policijske strukture Bosne i Hercegovine za 2019. godinu**

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića istakao je da je, u skladu s Poslovníkom o radu Nezavisnog odbora kao nezavisnog tijela policijske strukture Bosne i Hercegovine, pripremljen Prijedlog izvještaja o radu Nezavisnog odbora kao nezavisnog tijela policijske strukture Bosne i Hercegovine za 2019. godinu, te otvorio raspravu. Nakon rasprave, članovi Nezavisnog odbora jednoglasno su usvojili Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2019. godinu, koji će, u skladu s članom 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i članom 9. Poslovníka o radu Nezavisnog odbora kao nezavisnog tijela policijske strukture BiH, biti prosljeđen Parlamentarnoj skupštini BiH na usvajanje.

### **Ad. 3. Tekuća pitanja**

U okviru ove tačke dnevnog reda prvi zamjenik predsjednice Nezavisnog odbora Enes Obralića informirao je prisutne članove da je Nezavisni odbor 18. 12. 2019, pod brojem: 05/1-50-17-2187/19, zaprimio anonimnu predstavku navodno zaposlenika Direkcije za koordinaciju policijskih tijela BiH koja je dostavljena svim članovima Nezavisnog odbora, te otvorio raspravu. Nakon rasprave, članovi Nezavisnog odbora su anonimnu predstavku jednoglasno primili k znanju.

Dalje, u okviru ove tačke dnevnog reda prvi zamjenik predsjednice Nezavisnog odbora Enes Obralića informirao je prisutne članove da je Nezavisni odbor zaprimio dopis Pravobranilaštva BiH, broj: 03-4-10-2-P-362/19 od 23. 1. 2020, a zaprimljen u Pisarnici

Parlamentarne skupštine BiH 23. 1. 2020, broj: 05/1-50-15-26-65-6/19, u kojem ovom tijelu dostavljaju Rješenje Suda BiH u predmetu Njegoš Jovanović.

Također, u okviru ove tačke dnevog reda Nezavisni odbor je usaglasio da, u skladu s članovima 9. i 18. Poslovnika o radu Nezavisnog odbora kao nezavisnog tijela policijske strukture BiH, od policijskih agencija za koje je nadležan zatraži izvještaje o radu za 2019. godinu i planove rada za 2020. godinu.

U okviru tekućih pitanja dogovoreno je i da sljedeća sjednica Nezavisnog odbora bude održana 11. 2. 2020, s početkom u 17 sati.

Prvi zamjenik predsjednice Nezavisnog odbora Enes Obralića zaključio je sjednicu u 17.30 sati.

**SEKRETARKA**  
**NEZAVISNOG ODBORA**

Ivana Lovrić

**PRVI ZAMJENIK PREDSJEDNICE**  
**NEZAVISNOG ODBORA**

Enes Obralića